

28. *Cur doctrina de fœdere gratia appelletur clavis Bibliorum?* Quia fieri non potest, vt nucleum Scripturæ, & insigniores ipsius locos communes, vt sunt de libero arbitrio, de justificatione, de sacramentis, &c. intelligamus, si naturam hujus fœderis ignoremus.

CAPVT XXV.

De Euangelio.

I.

Quid sit *Euangelium*? Est doctrina diuinitus promulgata, de redemptione nostri per Christum.

2. *Quis sit Euangelij nucleus?* Christus mediator merito & efficacia.

3. *An lex moralis & euangelium sint opposita, vel subordinata?* Prius affirmatur, quatenus spectatur justificatio legalis & euangelica: posterius, si sermo sit de obedientia euangelica secundum legem præstanda.

4. *An lex ceremonialis sit opposita Euangelio?* N. Est enim ipsius pars, & veluti pictura: dum videlicet vnicum Christum crucifigendum ob oculos ponit.

5. *An Euangelium in V. T. fuerit ignotum?* N. Quot enim ibi occurrunt promissiones